

**Broj predmeta: 25-000054/17**

**Broj akta:**

Datum, 16.5.2017. godine  
Mjesto, Brčko

Na osnovu člana 1. Odluke o raspisivanju javnog poziva za prikupljanje prijave za prodaju šumskih drvnih sortimenata iz šuma u vlasništvu Brčko distrikta BiH, broj: 25-000054/17 od 25.04.2017. godine, šef Odjeljenja za poljoprivredu, šumarstvo i vodoprivredu Vlade Brčko distrikta BiH raspisuje

**JAVNI POZIV**  
**za prikupljanje prijave za prodaju šumskih drvnih sortimenata iz šuma u**  
**vlasništvu Brčko distrikta BiH**

**I – PREDMET**

Predmet javnog poziva je prikupljanje prijave u cilju prodaje drveta čija je sječa planirana Godišnjim planom gazdovanja šumama u vlasništvu Brčko distrikta BiH za 2017. godinu.

**II – PRAVO UČEŠĆA**

Pravo učešća imaju fizička lica zainteresovana za sječu drveta i kupovinu šumskih drvnih sortimenata iz šuma u vlasništvu Brčko distrikta BiH (u daljem tekstu: šuma Distrikta).

**III – OPŠTI USLOVI**

Količina drvene mase za sječu i prodaju je ograničena i utvrđena je Godišnjim planom gazdovanja šumama u vlasništvu Brčko distrikta BiH za 2017. godinu.

Iz jednog domaćinstva prijavu može podnijeti samo jedno lice.

Maksimalna količina za prodaju šumskih drvnih sortimenata po jednoj prijavi iznosi 10 m<sup>3</sup> ogrevnog drveta.

Broj lica kojim će biti odobrena sječa i kupovina drveta u šumama Distrikta, je ograničen i proporcionalan doznačenoj drvnj masi odnosno planiranoj količini drvene mase za sječu.

Lokacija i doznačena drvena masa za sječu određeni su Godišnjim planom gazdovanja šumama u vlasništvu Brčko distrikta BiH za 2017. godinu.

Podaci o lokaciji, broju odjela, doznačenoj drvnj masi i broju potencijalnih korisnika dati su u sljedećoj tabeli:

<b>Lokacija</b>	<b>Odjeljenje/Odjel</b>	<b>Doznačena drvena masa u m<sup>3</sup></b>	<b>Broj potencijalnih korisnika</b>
K.O.Štrepci	02	1.520	152
K.O. Islamovac	11	270	27
K.O. Maoča	63	560	56

#### **IV- KRITERIJI ZA ODABIR KORISNIKA**

Kriteriji za odabir korisnika su:

1. Opšti kriteriji
2. Posebni kriteriji

##### **1. Opšti kriteriji**

Opšti kriteriji su eliminatomi i obavezujući za sve potencijalne korisnike (kupce).

Opšti kriterij je da je korisnik lice sa mjestom prebivališta na teritoriji Brčko distrikta BiH.

##### **2. Posebni kriteriji**

Posebni kriteriji služe Komisiji za odabir korisnika kao osnov za bodovanje i sačinjavanje Preliminarne liste.

Posebni kriteriji su:

- a) broj članova porodičnog domaćinstva ,
- b) socijalni status (korisnici stalne socijalne pomoći, korisnici dodatka i njege drugog lica, djeca sa posebnim potrebama, djeca bez roditeljskog staranja),
- c) pripadnost kategoriji lica sa tjelesnim i/ ili mentalnim onesposobljenjem / invaliditetom,
- d) status ratnog vojnog invalida,
- e) pripadnost porodici poginulih boraca.

#### **V – DOKAZ ISPUNJAVANJA KRITERIJA**

1. Obavezna dokumentacija koja se predaje jeste ovjerena Izjava o kućnoj listi, ne starija od šest mjeseci.
2. Posebnu dokumentaciju predaju lica ukoliko oni ili članovi porodičnog domaćinstva pripadaju određenim grupama i to:
  - a) socijalne kategorije svoj status dokazuju uvjerenjem Odjeljenja za zdravstvo i ostale usluge, Pododjeljenja za socijalnu zaštitu,
  - b) status lica sa invaliditetom dokazuje se rješenjem izdatim od strane nadležnog organa,
  - c) status ratnog vojnog invalida dokazuje se rješenjem izdatim od strane nadležnog organa,
  - d) pripadnost porodici poginulih boraca dokazuje se potvrdom izdatom od strane nadležnog organa.

#### **VI – BODOVANJE**

Maksimalan broj bodova koji se može dodijeliti jednom korisniku iznosi ukupno 100 bodova po svim osnovama zajedno, kako slijedi:

1. Broj članova domaćinstva ..... do 60 bodova,

2. Pripadnost određenim grupama ..... do 40 bodova.

Ukoliko više lica ostvaruje isti ukupan broj bodova, prednost ima lice koje pripada većem broju grupa u okviru kategorije lica koja pripadaju određenim grupama.

Ukoliko i nakon naprijed izvršenog bodovanja više lica ostvaruje isti ukupan broj bodova, prednost ima lice starije starosne dobi.

1. Broj članova domaćinstva:

Za članove zajedničkog domaćinstva dodjeljuje se do 60 bodova i to za svakoga člana domaćinstva po 10 bodova.

U slučaju da broj članova zajedničkog domaćinstva prema osnovama iz prethodne tačke prelazi maksimalno utvrđeni broj bodova, dodatni bodovi se ne dodjeljuju.

2. Pripadnost određenim grupama:

Ukoliko podnosilac prijave i/ili član porodičnog domaćinstva pripada određenoj grupi iz tačke IV 2. od b) do e), za pripadnost svakoj od grupa dodjeljuje se po 10 bodova, s tim što ukupan broj bodova ne može preći 40 bodova.

## **VII – DOKUMENTACIJA KOJA SE PREDAJE**

1. Uz prijavu na Javni poziv predaje se:
  - a) ovjerena Izjava o kućnoj listi, ne starija od šest mjeseci,
  - b) dokumentacija kojom se dokazuje pripadnost određenim grupama (tačka V 2.).
2. Izjava o kućnoj listi koja se predaje uz Prijavu prilaže se u originalu ili ovjerenoj kopiji.
3. Obrazac Prijave nalazi se u prilogu ovog poziva.

## **VIII – ODABIR KORISNIKA**

Odabir korisnika vrši se u skladu sa Odlukom o raspisivanju Javnog poziva za prikupljanje prijave za prodaju šumskih drvnih sortimenata iz šuma u vlasništvu Brčko distrikta BiH broj: 25-000054/17 od 25.04.2017. godine.

Odabir korisnika vrši se primjenom načela dvostepenosti, odnosno osiguranja prava na prigovor.

Komisija za odabir korisnika razmatra pristigle prijave i na osnovu propisanih kriterija, utvrđuje Preliminarnu listu potencijalnih korisnika kojima se vrši prodaja drveta iz šuma Distrikta.

Preliminarna lista objavljuje se na oglasnoj ploči Vlade i na web stranici Vlade.

Na Preliminarnu listu svaki učesnik u Javnom pozivu može uložiti pismeni prigovor.

Prigovor se podnosi Odjeljenju u roku od osam dana od dana objavljivanja Preliminarne liste.

Po okončanju postupka po prigovoru, Komisija utvrđuje konačnu listu korisnika kojima se vrši prodaja drveta iz šuma Distrikta.

Na osnovu Konačne liste, šef Odjeljenja donosi Odluku o prodaji drveta.

Lica imenovana Odlukom, dužna su Odjeljenju podnijeti zahtjev za prodaju koji će preuzeti u prostorijama Odjeljenja i javiti se reonskom čuvaru šuma radi sječe stabala i kupovine drveta.

## **IX – PODNOŠENJE PRIJAVE**

Prijava se zajedno sa dokumentacijom iz tačke VII predaje u zatvorenoj koverti putem protokola Vlade Brčko distrikta BiH na šalter broj 9., radnim danom od 07.30 do 16.00 sati ili poštom na adresu: Vlada Brčko distrikta BiH, ul. Bulevar mira broj 1, 76.100 Brčko distrikt BiH.

Na koverti obavezno naznačiti „**ZA JAVNI POZIV ZA PRIKUPLJANJE PRIJAVA ZA PRODAJU ŠUMSKIH DRVNIH SORTIMENATA U ŠUMI U VLASNIŠTVU BRČKO DISTRIKTA BIH**“- NE OTVARAJ.

Obrazac prijave na Javni poziv može se preuzeti na Info pultu u zgradi Vlade.

Javni poziv je otvoren od 15.05.2017. godine do 02.06.2017. godine.

Nepotune i neblagovremene prijave neće se uzimati u razmatranje.

Za dodatne informacije kontakt osobesu Zenunović Ljiljana, na telefonski broj: 049/490-174 i Panić Aleksandar, na telefonski broj: 049/320-126.

Dostaviti:

1. Odjeljenju za poljoprivredu, šumarstvo i vodoprivredu,
2. Oglasna ploča,
3. Evidenciji,
4. Arhivu.

Šef Odjeljenja

---

Saša Tanić, dipl.ekonomista-master